

## 韶州曹溪山六祖師壇經

### 〈天寧寺本〉對錄文

內觀教育基金會編集（2018.05）

#### 【對錄文說明】

- (1) 〈天寧寺本〉是日本金山天寧寺藏的《六祖壇經》，影本見：柳田聖山主編，《六祖壇經諸本集成》，京都：株式會社，中文出版社，1976。  
另有〈大乘寺本〉大致同於〈天寧寺本〉。
- (2) 對錄文的頁碼：依據上述〈興聖寺本〉影本 pp67-88。
- (3) 對錄文的每行都依據原抄本排列。對錄文的每字也盡量接近原抄本。
- (4) 行書特別字、俗字，用紅色標示，有時改成繁體。
- (5) 明顯的錯字、衍字、有疑問處用藍色標示。

### 〈天寧寺本〉對錄文

67 上（封面）

金山

韶州曹山六祖師壇經上

秘藏

韶州曹溪山六祖師壇經上

天寧常住

67 下（序）

韶州曹溪山六祖師壇經序

性體虛空本無名相佛祖出興示以正法者  
良由衆生妄失真本也故初有六佛而釋迦  
紹出焉釋迦七々年道化復憫後五百歲  
闢諍堅固遂以正法付迦葉受金襴信衣俾  
妙明之種性不滅也衣々相受法々相承列位  
西乾二十有八東土正法自達磨始興二祖出于  
北齊三四興于唐代曹溪六祖得衣法於  
黃梅五祖是時刺史韶牧等請六祖於大梵  
戒壇受無相戒說摩訶頓法門人錄其語要  
命曰壇經夫吾祖傳衣三更受法命若懸絲  
而說是經則普告僧俗令言下各悟本心現

成佛道者何耶蓋此非五祖一時之直指實  
欲傳乎後鬪爭之歲也今則門風百種解會

千般努眼撐眉尋言舉古書情絕念自縛無  
繩詆毀明師紛紜矛盾豈知有壇經之可龜  
鑑者哉謹再刊傳庶幾學者悟其本焉  
政和六年丙申元旦福唐將車山隆慶庵比丘存中  
序并書

韶州曹溪山六祖師壇經卷上

一韶州刺史韋據等衆請說法

68 上

二大師自說悟法傳衣 三為時衆說定惠  
四教授坐禪 五說傳香懺悔發願  
六說一體三身佛相

一衆請說法

大師從南海上經曹溪韶州刺史韋據等請  
於梵寺開法結緣受無相戒說摩訶般若  
波羅蜜法大師是日於法座說摩訶頓法  
直下見性了道大悟普告僧俗令言下各悟

本心現成佛道座下僧尼道俗一千餘人刺  
史官僚儒宗學士六十餘人同請大師說是  
法門刺史韋據令門人法海抄錄流行傳示  
後代若承彼宗旨學道之者遞相傳受有  
所依憑耳

二悟法傳衣

尔時大師既昇座已而示衆言善知識忽淨心  
念摩訶般若波羅蜜大師良久不語自淨其心  
忽然告言善知識菩提自性本來清淨但用此  
心直了成佛大師言善知識且聽某甲行由得法事  
意某甲嚴父本貫范陽左降嶺南蘄州百姓  
此身不幸父少早亡老母孤遺移來南海艱辛  
貧乏於市賣柴時有一客買柴便令送至官

68 下

便往黃梅礼拜某甲安置母訖即辭親不經三十  
餘日便到黃梅礼拜五祖問曰汝何方人來此  
山礼拜今向吾邊欲求何物某甲對云弟子是  
嶺南人蘄州百姓遠來礼師唯求作佛不求  
餘物五祖責曰汝是嶺南人又是獼獠若為

堪作佛某甲言人雖有南北佛性本無南北  
獨獠身與和尚不同佛性有何差別大師更欲

共某甲久語且見徒衆惣在身邊乃令某甲隨  
衆作務某甲啟和尚言弟子自心常生智惠不  
離自性即是種田未審和尚教作何務五祖言  
這獨獠根性大利汝更勿言且去後院有一行者  
差某甲破柴踏碓八箇餘月五祖一日忽見某甲  
言吾思汝之明見恐有惡人害汝遂不與言汝知  
之不某甲言弟子亦知師意不敢行經堂前令

店客收柴去某甲得錢却出門外見有一客  
讀金剛經某甲一聞心便開悟遂問客言從何  
所來持此經典客云我從蘄州黃梅縣東憑母  
山禮拜五祖和尚在彼山門人一千餘衆我到  
彼山聽和尚說法常勸僧俗但持金剛經自  
得見性直了成佛某甲聞說宿昔有緣乃蒙  
一客取銀十兩與某甲將充老母衣糧令某甲  
69 上

衆人不覺五祖一日喚諸門人惣來吾向汝說  
世人生死事大汝等終日供養只求福田不求出  
離生死苦海汝自性迷福何可救汝等各去  
後院自者有智惠者取自本心般若之性各作  
一偈來呈吾看汝等偈若悟大意付汝衣法  
為第六代祖火急便作不得遲滯思量即  
不中用見性之人言下須見若掄刀上陣一般

衆得處分來至後院遞相調言我等衆人  
不用呈心用意作偈神秀上座見為教授師  
必是他得我輩謾作偈頌枉用心力諸人聞語  
各自息心咸言我等自可依止神秀即得何  
煩作偈神秀思惟諸人不呈心偈意者為我  
現作教授之師我須作偈將呈若不呈偈和  
尚那知我見解深淺我將心偈呈師即求  
佛覓祖即惡却同凡心夫奪其聖位無別若不呈偈  
終不得法大難大難五祖堂前三間步廊  
擬請供奉盧珍畫楞伽變相并五代血脉之圖  
流傳供養神秀作偈成已數度欲呈行至堂前  
心中恍惚遍體汗流擬呈不得前後經過一十

三度乃自思惟不如向廊下書著？和尚見  
忽若道好即出礼拜云是我作若道不堪自

69 下

(被裝訂所遮看不清)是我迷宿業障重不令得法枉在山中數年受人  
礼拜何名修道言訖夜至三更於南廊下中間  
壁上秉燭書題所作之偈人盡不知偈曰  
身是菩提樹 心如明鏡臺  
時時勤拂拭 莫使染塵埃  
秀書偈了便歸房一心思惟聖意難測五祖  
喫粥纔了擬喚盧供奉畫忽見其偈便謂  
供奉言某甲不畫也却奉十千勞供奉遠來  
金剛經云凡所有相皆是虛妄不如留此偈  
令迷人誦依此修行免墮三惡有大利益五祖  
喚門人燒香偈前令凡人見生敬淨心汝等盡  
須誦取悟此偈者即得見性依此修行必不墮  
落門人盡誦歡喜哉五祖夜至三更喚秀入  
堂問是汝作此偈不若是汝作應得吾法秀言

罪過實是秀作亦不敢求祖位望和尚慈悲看  
弟子心有少智惠不五祖言汝作此偈未見本  
性只到門外未離凡愚依此修行即不墮落如  
此見鮮覓無上菩提即不可得无上菩提須得  
言下識自本心見自本性不生不滅於一切時中  
念念自見萬法無滯一真一切真萬境自如即是  
真實見自本性若得如是見者即是无上菩提  
70 上

自性與體相應乃能度人始得名師五祖言汝且  
更去思惟作一偈來吾看若得入門見自本性  
付汝衣法為人天師吾不惜法汝見自遲神秀乃  
作禮便出又經數日作偈不成心中恍惚神思  
不安猶如睡夢之中後兩日間有一童子於碓  
坊過唱誦其偈某甲一聞便知此偈未見本  
性某甲未蒙教授早識大意遂問童子曰誦

者是何偈童子曰余這獼猴不知大師言世人  
生死事大欲傳衣法令門人作偈來呈若悟  
大意即付衣法為第六祖神秀上座於南廊  
壁上書無相偈五祖令門人盡誦此偈若得悟

者即見自性成佛依此脩行即不墮落某甲  
言我在踏碓八箇餘月未曾行到堂望上人引  
至偈前禮拜亦要誦取結來生緣同生佛地  
童子便引某甲至偈前禮拜了白言某甲為  
不識字請一上人為讀某甲得聞願生佛地  
時有江州別駕姓張日用便高聲誦某甲一聞即  
識大意啟曰某甲亦有一偈望別駕書安壁上  
別駕言左右盡是公卿王侯名山尊德尚不敢作  
獵獠尔是何人而欲作偈甚為希有某甲  
言若學無上菩提不得輕於初學俗諺言下下  
70 下

人有上上智上上人無意智別駕言汝但誦偈吾  
為汝書汝若得法先度於吾勿忘此言偈曰

菩提本無樹 明鏡亦非臺

本來無一物 何處有塵埃

說此偈已僧俗惣驚山中徒衆无不嗟訝各  
相謂言奇哉不得以貌取人何得多時使他  
肉身菩薩五祖見衆人盡怪恐人損他向後  
無人傳法遂便混破向衆人言此偈亦未見性  
云何讚歎衆便息心皆言未了各自散歸不  
復稱讚五祖其夜三更喚某甲至堂內以袈裟  
遮圍不令人見為某甲說金剛經恰至應无所住  
而生其心言下便悟一切萬法不離自性某甲啟言  
和尚何期自性本自清淨何期自性本不生不滅  
何期自性本自具足何期自性無動無搖能生

萬法五祖知悟本性乃報某甲言不識本心學法  
無益若言下識自本心見自本性即名丈夫天人師  
佛三更受法人盡不知便傳心印頓法及衣鉢  
汝為第六代祖善自護念廣度迷人將衣為  
信稟代々相承法即心傳心皆令自悟自解自性  
佛佛唯傳本體師々默付本心令汝自見自悟  
五祖言自古傳法命似懸絲若住此間有人

71 上

害汝々須速去某甲言某甲是南中人久不知此山路  
自如何出得江口五祖言汝不須憂吾送汝某甲  
領得衣鉢三更便發歸南五祖相送直至九  
江驛邊有一隻舡子五祖令某甲上舡五祖把櫓  
自搖某甲言請和尚坐弟子合搖櫓五祖言只

合吾度汝不可汝却度吾無有是處某甲言  
弟子迷時和尚須度今既已悟過江搖櫓合弟

子度之名雖一用處不同某甲生在邊方語又不  
正蒙師教旨付性今已得悟即合自悟自度五  
祖言如是如是如是但依此見已後佛法大行矣汝去  
後一年吾即前逝五祖言汝今好去努力南中五年  
佛法難起他後行化善誘迷人若得心開  
與吾無別辭違已了徑發向南兩月中間至大  
庾嶺不知逐後數十人來欲趁某甲奪衣取  
法來至中路餘者却迴唯一僧姓陳名慧明  
先是四品將軍性行麤惡直至大庾嶺頭趁  
及某甲便還衣鉢又不肯取言我欲求法不要  
其衣某甲即於嶺上便傳正法慧明聞說言  
下心開某甲却令向北接人某甲後至曹溪被  
惡人尋遂乃於四會縣避難經逾五年常在  
獵中雖在獵中常與獵人說法某甲東山得法  
71 下

辛苦受盡命似懸絲今日大眾同會得聞此法  
乃是過去千生曾供養諸佛方始得聞無上自性  
頓教某甲與使君及官僚等有累劫之因教  
是先聖所傳不是某甲自智願聞先聖教旨  
各須淨心聞了願自除疑如先代聖人無別大  
師言善知識菩提般若之智世人本自有之只緣  
心迷不能自悟須求善知識示導愚人智人佛性  
本無差別只緣迷悟不同所以有愚有智也

### 三為時衆說定惠

師言善知識我此法門以定惠為本大眾勿迷  
言定惠別定惠一昧不是二定是惠昧惠是  
定用即惠之時定在惠即定時惠在定若  
識此義即是定惠等學諸學道人莫言先  
定發惠先惠發定惠各別作此見者法即

有二相口說善心中不善定惠不等心口俱  
善內外一種定惠即等自悟修行不在於  
靜若靜先後即同迷人不斷勝負却增  
法我不離四相善知識一行三昧常行直心  
但行直心於一切法無有執著迷人著法相  
執一行三昧直言坐不動是早已執迷著

除妄不起心即是一行三昧此法若同無情  
72 上

却是障道因緣善知識道須通流心若住法  
名為自縛若言坐不動是只如舍利弗宴坐  
林中不合被維摩結呵善知識又見有人  
教坐看心看淨不動不赴從此置功迷人不  
會便執成顛即有數百人如是相教故知大  
錯善知識定惠由如何等由如燈光有燈即  
光无燈不光燈是光之躰光是燈之用名雖

有二躰本同一此定惠法亦復如是善知  
識本來正教无有頓漸人性自有利鈍迷人  
漸契悟者頓修自識本心自見本性即无  
差別所以立頓漸之假名善知識我此法門  
從上已來先立无念為宗无相為躰无住為本  
何名無相於相而離相无念者於念而不念无  
住者人之本性於世間善惡好醜乃至冤之  
與親言語觸刺欺誑之時並將為空不思酬  
害念之中不思前境若前念今念後念念  
念相續不斷名為繫縛於諸法上念不住即  
無縛也是以无住為本善知識外離一切相名  
為无相能離即法躰清淨是以无相為躰善  
知識於諸境上心若能萬境常寂念上常離  
諸境不於境上生心莫百物不思念盡除却  
72 下

即無別處受生學道者莫不識法意自錯  
猶可更勸他人自迷不見又謗佛經所以立  
无念為宗善知識云何无念為宗只緣口說  
不見本性迷人於境上有念上便起邪見一切  
塵勞妄想從此而生自性本无一法可得若有  
所得妄說禍福即是塵勞耶進此法門立  
无念為宗世善知識無者无何事念者念何物

无者无二相无諸塵勞之心念者念真如本性  
真如即是念之躰念是真如之用真如自性  
起念非眼耳鼻舌能真如有性所以起念  
真如若無眼耳鼻聲香當時即壞善知識  
真如自性起念六根雖見聞覺知不染萬境  
真性而常自在外能分別諸色相內於第一義

而不動善諸識此法門坐禪亦不看心亦不看淨

亦不言不動若言看心心元是妄知心如幻故  
无所看也若言看淨人性本淨由妄念故盖  
覆真如但无妄想性自清淨起心看淨却生  
淨妄妄无處所看者是妄淨无形相却立  
淨相言是功夫作此見者障自本性却被淨  
縛善知識若修不動者但見一切人時不見人之  
是非善惡過患即是自性不動善知識迷人

73 上

即身雖不動開口便說他人是非長短好惡  
與道違背也若看心看淨者即障道也

#### 四教授坐禪

師言善知識何名坐禪此法門中无障无碍  
外於一切善惡境界心念不起名為坐內見本性  
不乱為禪善知識何名禪定外離相為禪內  
不乱為定外若著相內心即乱外若離相心即  
不乱本性自淨自定只為見境思境即乱若  
見諸境心不乱者是真定也善知識外離相即  
禪內不乱即定外禪內定是為真定淨名經  
云豁然還得本心菩薩戒經云我本元自性清  
淨善知識於念念中自見本性清淨自修自行  
自成佛道

#### 五傳香懺悔發願

師言善知識某甲一會在此皆共有緣今各胡  
跪傳自性五分法身香一調戒香即自心中无  
非無惡無嫉妬无貪嗔无刻害名曰戒香二定  
香即觀諸善惡境相自心不乱即是也三惠香  
者自心无癡常以智惠觀照自性不造諸惡  
雖修衆善心不執著畏上愛下矜孤恤貧  
此名惠香解脫香即自心所攀緣不思善不  
73 下

思惡自在無碍名解脫香五解脫知見香者  
自心既無攀緣善惡不可沉空守寂即須廣學  
多聞識自本心達諸佛理言滿天下无口過行  
滿天下无怨惡和光接物无我无人直至菩提  
真性不易名解脫知見香善知識此香各自  
內薰莫於外覓今與善知識无相懺悔滅除

心中河沙積劫罪善知識前念後念及今念  
念念不被愚迷染從前惡念一時除自性自除真  
懺悔前念後念及今念念不被誑妄染除  
却從前僞慢心永斷名為自性懺悔前念後  
念及今念念不被疽妬染除却從前疽妬  
心永斷名為自性懺以上三遍唱師言今既懺悔已  
一時遂某甲道與善知識發四弘誓願各須  
用心正聽自心邪迷衆生誓願度自心煩惱

無邊誓願斷自性法門無盡誓願學无上自  
性佛道誓願成已上三遍可唱師言善知識大家豈  
不道衆生無邊誓願度任磨道莫道是某甲  
度善知識心中衆生所謂邪迷心誑妄心不善  
心疽妬心惡毒心如是心者盡是衆生各須  
自性自度是名真度何名自性自度即自心  
中邪見煩惱愚癡衆生將正見度既有正  
74 上

見使般若智打破愚癡迷妄衆生各自度  
邪來正度迷來悟度愚來智度惡來善度  
如是度者名為真度又煩惱無邊誓願斷  
自性除却虛妄思想心是也又法門無邊誓願  
學須自見性常行其善法是名真學又佛  
道無邊誓願成即常須下心行於普敬離  
迷離覺當生般若除真除妄即見佛性即

言下佛道成常念修行是願力法師言善知  
識今發四弘願了更與善知識受无相三皈依  
善知識皈依覺二足尊皈依正離欲尊皈  
依淨衆中尊從今日去稱覺為師更莫皈  
餘邪迷外道以自性三寶常自證明某甲勸善  
知識皈依自性三寶佛者覺也法者正也僧者  
淨也自心皈依覺邪迷不生少欲知足能離財

色名二足尊自心歸依正念念無邪見以無邪見故  
即无人我貢高貪愛執著名離欲尊自心皈依  
淨一切塵勞妄念雖在自性皆不染著名衆  
中尊若修此行是自皈依凡夫不會從日至夜  
受三皈依我若言皈依佛在何處若不見佛  
憑何所皈依言却成妄善知識各自觀察莫錯

用心經文分明即言自皈依佛不言皈依

74 下

他佛自性不皈无所皈處今既自悟各須皈依  
自心三寶內調心性外敬他人是自皈也

#### 六說一躰三身佛相門

師言善知識各若志心某甲與說一躰三身自性  
佛令善知識見三身了然自悟自性惣隨某甲  
道於自色身皈依清淨法身佛於自色身  
皈依千百億化身佛於自色身皈依圓滿

報身佛已上三遍唱善知識色身是舍宅不可言  
皈向者三身在自性中世人惣有為自心迷  
不見內性外覓三身如來不見自身中有  
三世佛善知識聽說令善知識於自身中見  
自性有三世佛此三身佛從自性生不從外  
得何名清淨法身世人性本清淨萬法從  
自性生思量一切惡事即生惡行思量一切  
善事即生善行如是諸法在自性中如天  
常清日月常明為浮雲蓋覆上明下暗忽  
遇風吹衆雲散盡上下俱明萬象皆現世人  
性常浮游如被雲天亦復如是善知識智如  
日惠如月智惠常明於外著境被妄念浮  
雲蓋覆自性不得明朗若遇知識聞真  
正法自除迷妄內外明徹於自性中萬法皆  
75 上

現見性之人亦復如是此名清淨法身佛善  
知識自心皈依自性是皈依真佛自皈依者  
除却自性不善心疽妬心憍誑心吾我心誑妄心  
輕人心慢他心邪見心貢高心及一切時中不  
善行常自見己過不說他人好惡是自皈依  
常須下心行於普敬即是見性通達更無  
滯礙是自皈依何名千百億化身若不思萬  
法性本如空一念思量名為變化思量惡事  
化為地獄思量善事化為天堂毒害化為龍  
蛇慈悲化為菩薩智惠化為上界愚癡化為  
下方自性變化甚多迷人不能省覺念赴  
惡常行惡道迴一念善智惠即生此是自性  
化身佛何名圓滿報身譬如一燈能除千年

聞一智能滅萬年愚莫思向前已過常思於  
復念、圓明自見本性善惡雖殊本性無二  
无二之性名為實性於實性中不染善惡  
此名圓滿報身佛師言自性起一念惡報  
滅萬劫善因自性起一念善報得河沙惡盡  
直至無上念、自見不失本念名為報身善  
知識從法身思量即是化身佛念念自性  
自見即是報身佛自悟修自性功德是真自  
75 下

皈依皮肉是色身色身是舍宅不言皈也但  
悟自性三身即識自性大意

### 六祖壇經卷上

76 上

韶州曹溪山六祖師壇經卷下

七說摩訶般若波羅蜜

八現西方相狀 武帝問功德

九諸宗難問

十南北二宗見性

十一教示僧 示寂年月附

七說摩訶般若波羅蜜

師言善知識既識三身佛了更為善知識說  
摩訶般若波羅蜜法各各至心諦聽世人終日  
口念本體不識自性由如誦食口但說空萬  
劫不得見性某甲與說、善知識摩訶般若  
波羅蜜是梵語此言大智慧到彼岸此須心  
行不在口說口念心不行如幻如電口念心行即心  
口相應本性是佛離性无別佛何名摩訶摩訶

是大心量由如虛空無有邊畔亦無方圓大  
小非青黃赤白亦無上下長短亦無嗔無喜  
無是無非無善無惡無有頭尾諸佛刹土尽  
同虛空世人妙性本空無一法可得喻  
此大空自性真空亦復如是善知識今聞  
某甲說空便即著空第一莫空若空心淨  
坐即落無記空終不成佛法善知識世

76 下

界虛空能含萬物色象日月星宿山河泉

源溪澗一切樹木惡人善人惡法善法天堂  
地獄一切大海須彌諸山惣在空中世人性空  
亦須如是師言善知識自性能含萬法是名  
為大萬法在自性中若見一切人惡與善  
盡皆不捨亦不染著心如虛空名之為大  
善知識迷人口說智者心行又有迷人空心

淨坐百無所思自稱為大此一輩人不可共說  
為邪見故善知識心量廣大廓周法界用即了  
了分明應用徧知一切一切是一一即一切去  
來自由心體無滯此是善知識一切般若智  
心皆從自性而生不從外人莫錯用意名真  
自用一真一切真心量大事不行小道口莫  
終日說空心中不修此行恰似凡人自稱國  
王終不得非吾弟子善知識何名般若般若  
是智慧一切處所一切時中念念不愚常行  
智慧即是般若行一念愚即般若絕一念智  
即般若生世人愚迷不見般若口說般若  
心中常愚自言我修般若念念說空不識  
真空般若無形相智慧心即是若作如是解  
即名般若智何名波羅蜜此是西國語漢  
77 上

言到彼岸解義離生滅著境生滅起如水  
有波浪即是於此岸觀境無生滅如水常  
通流即名為彼岸號波羅蜜善知識迷  
人口念當念之時有妄有非念念若行是名  
真性悟此法者是般若法修行此行者者是般  
若行不修即凡一念相應法身等佛善  
知識煩惱即菩提前念迷即凡後念悟  
即佛前念著境即煩惱後念離境即  
菩提善知識摩訶般若波羅蜜最上  
最第一無住無往來三世諸佛皆從中出用大  
智慧打破五蘊煩惱塵勞若人修行定成佛  
道變三毒為戒定慧善知識我此法門從一  
般若生八万四千智慧何以故為世人有八万  
四千塵勞若無塵勞智慧常在不離自性悟此

法者即是無念無憶無著無妄莫起誑  
妄用自真如性以智慧

觀照於一切法不取不捨即是性成佛道  
善知識若欲入甚深法界入般若三昧者須  
脩般若行持誦金剛般若經即得見性當  
知此功德無量無邊經中分明讚歎不能具說  
此法門是最上乘為大智人說為上根人說小  
77 下

根小智人聞心生不信何以故譬如大龍下雨  
於閻浮提漂流棗葉若雨大海不增不減若  
大乘人若最上乘人聞說金剛經心開悟解故  
知本性自有般若之智自用智慧常觀照  
故不假文字譬如雨水不從天有元是龍王於  
江海中將身攬上令一切眾生一切草木有  
情無情悉皆蒙潤諸水衆流却入大海合  
為一體衆生本性般若之智亦復如是善  
知識小根之人聞此頓教由如草木根性自小  
若被大雨皆悉自倒不能增長小根之人亦有  
般若之智與大智之人更無差別因何聞法亦有  
悟不悟緣邪見障重煩惱根深猶如大雲覆蓋  
於日不得風吹日光不現般若之智亦無大小  
為一切衆生自心迷悟不同迷心外見修行覓  
佛未悟自性即是小根聞其頓法不執外修  
但於自心常起正見邪見煩惱塵勞常不能  
溢即是見性善知識內外不住去來自由能  
除執心通達無礙能修此行與般若經本無  
差別善知識一切經書及諸文字大小一乘  
十二部經皆因人置因智慧性方能建立若  
無世人一切萬法本自不有故知萬法本因人  
78 上

與一切經書因人說有緣其人中有愚有智  
愚為小故智為大人愚者問於智人智者為

愚人說法令其悟解心開愚人若悟心開即  
與智人無別善知識不悟即佛是衆生一念悟時衆生是佛  
故知萬法盡在自心何不從自心中頓見真如  
本性菩薩戒經云我本源自性清淨識心見性皆成  
佛道即時豁然還得本心善知識我於忍和尚處  
一聞言下便悟頓見本性是以將此教法流行  
令學道者頓悟菩提各自觀心自見本性  
若自不悟須覓大善知識解最上乘法者直

示正路是善知識有大因緣所謂化導令得見  
性一切善法因善知識能發起故三世諸佛十二  
部經在人性中本自具有不能自悟須求善  
知識示導方見若自悟者不假外善知識望  
得解脫無有是處自心內知識自悟即是  
自心若起邪迷妄念顛倒外善知識雖

有教授救不可得自心若正起般若觀照  
一剎那間妄念俱滅若識自性即至佛地善  
知識智慧觀照內外明徹識自本心若識本  
心若識本心即本解脫若得解脫即是  
般若三昧即是無念何名無念若見一  
78 下

切法心不染著是為無念用即徧一切處  
亦不著一切處但淨本心使六識從六  
門走出於六塵中無染無雜來去自由通  
同无滯即是般若三昧自在解脫名無念  
行莫百物不思當令念絕即是法縛  
即名邊見善知識悟無念法者萬法  
盡通悟無念法者見諸佛境界悟無  
念法者至佛地位善知識後代得吾  
法者常見吾法身不離汝左右善知  
識將此頓教法門同見同行發願受持  
如事佛故終身受持而不退者欲入聖  
位然須傳授從上以來默傳分付不得  
匿其正法若不同見同行在別法中  
不得傳付損彼前人究竟無益恐愚  
不解謗此法門百劫千生斷佛種性  
善知識吾有一無相頌汝等誦取言  
下令汝迷罪消滅頌曰

|         |         |
|---------|---------|
| 迷人修福不修道 | 只言修福便是道 |
| 布施供養福無邊 | 心中三惡元來造 |
| 擬將修福欲滅罪 | 後世得福罪還在 |
| 但向心中除罪緣 | 各自性中真懺悔 |

79 上

|         |         |
|---------|---------|
| 忽悟大乘真懺悔 | 除邪行正即無罪 |
|---------|---------|

|         |         |
|---------|---------|
| 學道常於自性觀 | 即與諸佛同一例 |
|---------|---------|

五祖唯傳此頓法 普願見性同一體  
若欲當來覓法身 離諸法相心中洗  
努力自見莫悠悠 後念忽絕一世休  
若悟本乘得見性 虔恭合掌至心求  
師言今於大梵寺中說此頓教普願法界  
衆生於此言下見性成佛師說法了韋使  
君與官僚道俗一時作禮無不悟者皆歎  
善哉希有何期嶺南有佛出世

八示西方相狀 武帝問功德附

尔時韋使君再肅容儀禮拜問曰弟子聞  
和尚說法實不可思議今有少疑欲問和尚  
願大慈悲特為解說師曰有疑即問何須  
再三使君曰和尚所說可不是達磨大師宗  
旨師言是使君曰弟子聞說達磨初梁朝  
武帝問朕一生已來造寺供僧布施設齋  
有何功德達磨言實無功德武帝悵悵不  
稱本情遂令達磨出境弟子未達此理  
願和尚為說達磨意言如何師曰實無功  
79 下

德勿疑先聖之言武帝心邪不知正法造寺  
供養布施設齋名為求福不可得福便為  
功德在法身中不在修福師曰見性是功平  
直是德念、無滯常見本性真實妙用  
名為功德外行禮敬是功內心謙下是德  
自性達立萬法是功心體離念是德不離  
自性是功應用無染是德若覓功德法身  
但依此作是真功德若修功德之人心即不  
輕常行普敬也師曰心常輕人吾我不斷即  
自無功自性虛妄不實即自無德無功德  
之人為吾我自大常輕一切故善知識念、  
無間是功心行平直是德自修身是功自修  
性是德德即不輕常行普敬韋使君默然  
作觀師言善知識功德須自性內見不是  
布施供養之所求也是以福德與功德別  
武帝不識理非我祖師人在過使君頂礼

願為弟子又問弟子常見僧俗念阿弥陀  
經願生西方請和尚說得生彼不願為破  
疑師言使君善聽某甲與說世尊在舍衛

城中說西方引化經文分明去此不遠若論相說  
無數即有十萬八千若說中十惡八邪便是說遠  
80 上

只為下根說近為其上智人有兩種法  
無兩般迷悟有殊見有遲疾迷人念佛生彼悟人自

淨其心所以佛言隨其心淨即佛土淨師言  
東方人但淨心無罪西方人心不淨有愆東  
方人造罪念佛求生西方人造罪造愆  
彼土令生何國凡愚不了自性不識身中西方  
願東願西悟人在處一般所以佛言隨所住  
處常安樂使君心地但無不善西方去此不  
遠若懷不善之心念佛往生難到今勸善  
知識先除十惡即行十萬後除八邪乃過八千  
念見性常行平直到如彈指便觀彌陀  
能淨能寂即是釋迦心起慈悲即是觀音  
常行喜捨名為勢至使君但行十善何須更  
願往生不斷十惡之心何佛即來迎請若悟  
無生頓法見西方只在剎那不悟念佛欲往  
路遙如何得達師言某甲與諸人移西方

如剎那間目前便見願不願使君頂禮言若  
此處見何須更願往生願和尚慈悲便現西  
方普願得見師言徒眾用心一時得見西方  
無疑即散師言世人自色身是城眼耳鼻舌  
80 下

是城門外有五門內有意識心為地性是王  
王居心地上性在王在性去王無性在身心存  
性無身心壞佛向性中作莫向外求自性

迷即是衆生離迷即覺覺即是佛慈悲  
即是觀音喜捨名為勢至能淨即釋迦平  
直即彌陀人我是須彌邪心是海水煩惱是  
波浪毒害是惡龍虛妄是鬼神塵勞是魚  
鯨貪嗔是地獄愚癡是畜生善知識常  
行十善天堂便至除人我須彌倒無邪心海  
水竭煩惱無波浪滅毒害除魚鯨絕自心地  
上覺性如來放大光明外照六門清淨照破  
六欲諸天內照三毒若除地獄一時消散

內外明澈不異西方不作此修如何到彼大衆  
聞說俱歎善哉但是迷人了然見性悉皆  
禮拜唯言善哉普願法界衆生聞者一時  
悟解師言善知識若欲脩行在家亦得不  
由在寺在家能修如東方人心善在寺不修

如西方人心惡但心清淨即是自性西方使君  
又問在家如何修行願為教授師言與  
大衆作無相頌但依此修常與吾同處无  
別若不依此行雖在吾邊如隔千里  
81 上

頌曰

說通及心通 如日處虛空 唯傳見性法  
出世破邪宗 法即無頓漸 迷悟有遲疾  
只這見法性 愚人不可悉 說即雖萬般  
合理還歸一 煩惱暗宅中 常須生惠日  
邪來煩惱至 正來煩惱除 邪正俱不用  
清淨至無餘 菩提本自性 起心即是妄  
淨性在妄中 但正無三障 世人若脩道  
一切不相妨 常自見己過 與道即相當  
色類自有道 各自不相妨 離道別覓道  
覓道不見道 到頭還自懊 欲得見真道  
行正則是道 自若無道心 闇行不見道  
若真修道人 不見世間過 若見他人非  
自非卻在左 他非我不非 我非自有過  
但自却非心 打除煩惱破 欲擬化他人  
自須有方便 勿令彼有疑 則是自性見  
法元在世間 於世出世間 一切盡打却

菩提性宛然  
師言善知識忽須誦取依此偈脩言下見  
性雖去吾千里如常在吾邊於此言下不悟  
即對面千里各各自脩法不相待衆人且  
81 下

散吾歸曹溪山衆若有疑却來相問為  
衆破疑同見佛性時在會道俗豁然大悟  
咸讚善哉俱明佛性

九諸宗難問

大師出世行化四十餘年諸宗難問僧俗約  
千餘人皆起惡心欲相難問師言一切盡除無  
名可名名於自性無二之性是名實性於  
實性上建立一切教門言下便須自見諸  
人聞說忽皆頂禮請事為師願為弟子  
如此之徒說不可盡若論宗旨傳受壇經者  
即有稟承所付須知去處年月時代姓名  
通相付囑若無壇經稟承者即非南宗弟  
子緣未得所稟雖說頓教法未契本心終  
不免諍但得法者只勸脩行諍是勝負  
與道相違矣

十南北二宗見性

世人盡言南能北秀未知事由且秀大師  
在荊南府當陽縣玉泉寺住能大師在韶  
州城東四十五里曹溪山住法本一宗人有  
南北何名頓漸法即一種見有遲疾法无  
頓漸人有利鈍故名頓漸秀聞能說法徑  
82 上

疾直指見性遂命門人志誠曰汝聰明多智  
可與吾到曹溪山禮拜但坐聽法莫言吾使  
汝去汝若聽得盡心記取却來與說吾

看彼所見誰遲誰疾火急早來勿令吾恠志  
誠唱諾禮拜便行經二十五日至曹溪山禮拜  
坐聽不言來處志誠一聞下便悟即起  
禮拜白言和尚弟子在玉泉秀和尚處  
學道九年不得契悟今聞和尚一說忽然  
悟解使契本心和尚大慈悲弟子生死事大  
又恐輪迴願當教示師曰汝從玉泉來應是  
細作志誠曰不是師曰何得不是志誠曰未  
說即是說了不是師曰煩惱菩提亦復如此  
師問志誠曰吾聞汝師教示學人唯傳戒  
定惠未審汝師說戒定惠行相如何與吾  
說看志誠曰秀和尚說諸惡莫作名為戒諸  
善奉行名為惠自淨其意名為定此是戒  
定惠彼說如此未審和尚所見如何願為解說

師曰秀和尚見實不可思議吾所見戒定惠  
又別志誠啟曰戒定惠只合一種如何更別師

曰汝師說戒定惠接大乘人吾戒定惠接最  
上乘人悟解不同見有遲疾汝聽吾說與  
82 下

彼說同不吾所說法不離自性離體說法  
自性常迷須知一切萬法皆從自性起用  
是真戒定惠等法常見自性心即是自性

等佛師曰志誠聽吾說心地元非自性戒心  
地元癡自性惠心地元亂自性定師言汝師  
戒定惠勸小根人吾戒定惠勸大根智人若  
悟自性亦不立菩提涅槃亦不解脫知見無  
一法可得方能建立萬法是真見性若解  
此意亦名佛身亦名菩提涅槃亦名解脫知  
見亦名十方國土亦名恒河沙數亦名三千  
大千亦名三大小藏十二部經見性之人立  
亦得不立亦得去來自由無滯無元礙應用  
隨作應語隨答普見化身不離自性即得  
自在神通遊戲三昧之力此名見性志誠再  
啟和尚如何是立不立義師曰自性元非元  
癡元亂念念般若觀照常離法相自由自在  
縱橫盡得有何可立自性自悟頓悟頓修亦  
元漸次所以能立一切法佛言寂滅有何漸  
次志誠禮拜便住曹溪願為門人不離左右  
復有一僧名曰法達常誦法華經心常有  
疑又不知正法之處和尚智惠廣大願為  
83 上

決疑師曰法達法即甚達汝心不達經上  
無疑汝心自疑汝心邪而求正法吾心正則是  
持經吾不識文字汝取經來誦之一遍吾  
即知法達取經便讀一遍師知佛意乃與  
說經師言法達經元多語七卷盡是譬喻  
因緣如來廣說三乘只為世人根鈍經文分  
明無有餘乘唯一佛乘汝聽一佛乘莫求  
二乘迷却汝性且經中何處是一佛乘吾  
聞汝誦經云諸佛世尊唯以一大事因緣故  
出現於世正法有一十六字此法如何解如何修汝用心

〔以下影本有十四行錯簡，今將之移正〕  
聽吾為汝說師言法達心人不思本來寂靜

離却邪見大事因緣內外不迷即離兩  
邊外迷著相內迷著空於相離相於空離  
空即是不迷若悟此法一念心開出現於世心  
開何事開佛知見佛由覺也分為四門開覺  
知見示覺知見悟覺知見入覺知見此名開  
示悟入從上一處入即覺知見見自本性即  
得出現師言吾勸一切人於自心地常開佛  
知見世人心邪愚迷造罪口善心惡貪嗔疾  
妬讒妄侵害自開眾生知見世人心正常起  
智惠觀照自開佛之知見汝須念念開佛  
知見莫開眾生知即見出世師言法達此  
是法華經一乘義向下為迷人故汝但依一佛  
乘師言法達心行轉法華不行法華轉心  
〔以上十四行已移至正確位置〕

正轉法華心邪法華轉開佛知見轉法華努力  
依法修行即是轉經自心若不念念修行即  
當被經轉法達一聞言下大悟涕泣白大師言  
實未曾轉法華七年被法華轉念念願  
修佛行師言行佛行是佛其在會者各得  
見性復有一僧名曰智常禮拜啟和尚曰佛說  
三乘法又言最上乘弟子不解願為教授

師曰汝向自心見莫著外法相元四乘法人心  
自有四等見聞轉讀是小乘悟法解義是中  
乘依法修行  
是大乘依法修行是大乘萬法盡通萬行俱  
備一切不染離諸法相作元所得名最上乘乘  
83 下

是行義不在口誦汝須自脩莫問吾也一切時  
中自性自知自悟自行是四乘義又玉泉寺  
有一童子年十三歲南陽縣人名曰神會

來至曹溪禮師三拜問曰和尚坐禪還見不見  
師以拄杖打三下却問吾打汝還痛不痛答  
曰亦痛亦不痛師曰吾亦見亦不見神會問  
如何是亦見亦不見師曰吾之所見常見自  
84 上

心過愆不見他人是非好惡所以亦見亦不

見汝言亦痛亦不痛如何汝若不痛同其  
木石若痛即同凡夫應生嗔恨師言神會  
小兒向前見不見是二邊痛不痛屬生滅汝  
自性且不見敢來弄人神會禮拜誨謝更  
不敢言師曰汝心迷不見問善知識覓路汝  
心悟即自見性依法修行汝迷不見自心  
却來問吾見與不見吾見自知代汝迷不得  
汝若自見不代吾迷何不自知見問吾見不見  
神會禮經百拜求謝愆過請事為師不  
離左右

十一教示十僧傳法 滅度年月附  
尔時師喚門人法海志誠法達神會智常  
智通志澈志道法珙法如等報言吾滅度  
後凡為人師改易者多汝等十人向前汝  
等不同餘人吾滅度後各為一方師吾今  
教汝諸法不失本宗先須舉三科法門  
動用三十六對出沒即離兩邊說一切法莫  
離自性忽有人問出語盡雙皆取對法  
來去相因究竟二法盡除更無去處三科  
者陰界入五陰者色受想行識十二入者外六  
84 下

|                |       |                    |      |
|----------------|-------|--------------------|------|
| 塵內六門色聲<br>香味觸法 | 六門者   | 眼耳鼻舌身<br>意各有一識     | 十八界者 |
| 六門六塵六<br>識為之十八 | 自性含萬法 | 名含 若 起 思 量<br>藏識 即 |      |

是轉識轉識生六識出六門見六塵三六

十八由自性用自性邪起十八邪合自性正起  
十八正惡用即衆生善用即是佛用由  
何等由自性對解用即通一切法自身是  
佛外竟元情  
五對天地對陰陽對日月對明暗對水火  
對法相語言十二對語與法對有為元為  
對有色無色對有漏無漏對色與空對  
有相無相對凡聖對僧俗對動靜對清濁  
對老少對大小對自性起用十九對長短對  
邪正對亂定對戒非對曲直對癡惠對  
愚智對慈毒對實虛對險平對煩惱  
菩提對悲苦對嗔喜對捨慳對進退對  
生滅對常與元常對法身色身對化身

報身對都三十六對師言此是對法若  
解用即通貫一切經出入即離兩邊自性動  
用共人言語外於相離相內於空離空若  
執全空唯長元无明又却謗經言不用文字  
師曰說法之人口云不用文字世人道者盡  
85 上

不合言正語之時即是文字文字上說空本  
性不空即是文字無邪心即自大道不立文字  
只這不立兩字即是文字見人所說便即謗  
他言著文字汝等須知自迷猶可又謗佛  
經不要謗經罪障元无数著相於外而求  
真戒廣立道場說有無之過患如是之人  
累劫不可見性不勸依法修行莫百物不  
思於道自生質礙若聽說不修令人返  
生邪念但能依法修行常行元无相法  
施師言汝等若悟依此說依此此用依此  
行依此作即不失本宗若有人問汝義  
問有将无答問无将有答問凡以聖對  
問聖以凡對問一邊将一邊對二法相因  
生中道義教汝一問餘問一依此作三十  
六對法即不失理也吾今教汝一答人問何  
名為暗答云明明是因暗即緣有明明沒  
即暗但無明暗以明顯暗以暗現明來去相  
因成中道義餘問悉皆如此師教十僧已報  
言於後傳法遍相教授壇經即不失宗  
旨汝今得了遍代流行後人得遇壇經  
如親見吾教示十僧汝等抄取代代流行  
86 下

若看壇經必當見性大師先天元年於新  
州国恩寺造塔至二年七月八日喚門人  
告別師言汝等近前吾至八月欲離世間  
汝等有疑早須相問為汝破疑當令迷盡  
使汝安樂吾若去後無人教汝海等聞  
悉皆涕泣唯有神會不動神情亦無涕  
泣師曰神會小師却善不善等毀譽不動  
餘者空得數年在山修行何道汝今悲泣  
為憂阿誰若憂不知去處吾自知去吾若  
不知去處終不別汝等悲泣為不知吾去處  
知吾去處不合悲泣法性體無生滅去來汝等

盡坐吾與汝等說一偈名曰真假動靜汝等  
誦取此偈與吾意同依此脩行不失宗旨  
衆僧作禮請師說偈

一切無有真 不以見於真 若見於真者  
是見盡非真 若能自有真 離假即非真  
自心不離假 無真何處真 有情即解動  
無情即不動 若脩不動行 同無情不動  
若覓真不動 動上有不動 不動是不動  
無情無佛種 能善分別相 第一義不動  
但作如是見 即是如真用 報諸學道人

86 上

努力自用意 莫於大乘門 却執生死智  
若言下相應 即共論佛義 若實不相應  
合掌令歡喜 此宗本無諍 諍即失道意

執迷諍法門 自性入生死

時衆僧聞知大師意更不敢諍各自攝心  
依法脩行一時禮拜即知大師不久住世法海  
上座問曰和尚去後衣法當付何人師言  
吾於大梵寺說法直至今日抄錄流行名  
法寶壇經汝等守護度諸群生但依此說  
是真正法師言法海向前吾滅度後二十年  
間邪法繚亂惑我正宗有一南陽縣人出來  
不惜身命定於佛法豎立宗旨即是吾法  
弘於河洛此教大行師曰汝今須知衣不合  
傳汝若不信吾與汝說先聖達磨大師傳衣  
偈據此偈意衣不合傳汝聽偈曰  
吾本來東土 說法救迷情  
一花開五葉 結菓自然成

師曰吾有一偈亦用先聖大師偈意

心地含種性 法雨即花生

頓悟花情意 菩提菓自成

86 下

師說偈已令門人散衆相謂曰大師多不久  
住世間師至先天二年八月二日食後報言  
汝等各著位坐今共汝別時法海問曰此  
法徒從上至今傳受幾代願和尚說師曰初

六佛 釋迦第七 迦葉 阿難  
商那和脩 優波掬多 提多迦 佛陁難提  
伏馱蜜多 脇尊者 富那夜奢 馬鳴  
毗羅尊者 龍樹 迦那提多 羅睺羅多  
僧伽那提 僧迦耶舍 鳩摩羅馱 奢那多  
婆脩槃頭 摩拏羅 鶴勒那 師子比丘  
奢那婆斯 優波堀多 婆須蜜多 僧迦羅叉  
菩提達磨 北齊惠可 唐僧璨 唐道信  
唐弘忍 吾今惠能

師曰吾今付法於汝等於後遞相傳授須  
有稟承衣紛莫失宗旨法海白言和尚留  
何教法令後代迷人得見自性師言汝聽  
後代迷人若識衆生即見佛性若不識衆  
生萬劫覓佛難逢吾今教汝識自心衆生

見自心佛性汝志心聽吾與汝說後代之人  
欲求見佛但識衆生師曰只為衆生迷佛  
87 上

非是佛迷衆生自性若悟衆生是佛自性  
若迷佛是衆生自性平直衆生是佛自性  
邪險險佛是衆生師言法海汝等心若險  
曲即佛在衆生中一念平直用心即是衆  
生成佛我心自有佛自若無佛心何處求真

佛吾今留一偈與汝等別名自性真佛偈  
後代迷人識此偈意自正本心成佛  
真如性淨是真佛 邪見三毒是魔王  
邪迷之時魔在舍 正見之時佛在堂  
性中邪見三毒生 即是魔王來住舍  
正見自除三毒心 魔變成佛真無假  
法身報身及化身 三身本來是一身  
若向性中能自見 即是成佛菩提因  
從本化身生淨性 淨性常在化身中  
性使化身行正道 當來性智便無窮  
姪性本是淨性因 除姪即無淨性身  
性中各自離五欲 見性剎那即是真  
今生若悟頓法門 忽見自性現世尊  
汝等脩行覓作佛 自性自見正中真

若能心中自見真 有真即是成佛因  
不見自性外覓佛 起心忽是大癡人  
87 下

頓教法門今已留 救度世人須自脩  
報汝當來學道者 不作此見大悠悠  
師說偈了報言今共汝別吾滅度後莫作  
世情悲泣兩淚受人弔問身著孝服  
非吾弟子亦非正法但如吾在日一時盡

坐無動無靜無生無滅無去元无來元无是  
無非無住無往無名無字恐汝心迷不會  
吾意吾今再囑令汝見性吾滅度後依此  
脩行如吾在日汝等違法縱吾在世終元无有  
益大師言訖夜至三更奄然遷化大師春秋  
七十有六師遷化日寺內異香氣氛氤經于七  
日感得山崩地動林木變白日月無光天地  
失色群鹿鳴悲至夜不絕先天二年八月  
三日夜三更時於蕪州国恩寺圓寂餘在  
功德塔記具述至十一月韶廣二州門人迎  
師神座向曹溪山塋忽於龕內白光出現  
直上衝天三日始散韶州奏聞奉勅立碑  
供養泊乎法海上座無常以此壇經付囑  
志道志道付彼岸彼岸付悟真悟真付  
圓會遞代相囑一切萬法不離自性中見也  
88 上

韶州曹溪山六祖師壇經卷終